

玉函山房輯佚書

玉函山房輯佚書目

卷三十三

經編春秋類

春秋左氏長經一卷

後漢賈逵

春秋三傳異同說一卷

後漢馬融

解疑論一卷

後漢戴宏

春秋公羊文詁例一卷

後漢何休

春秋左傳解詁二卷

後漢服虔

春秋左氏長經章句一卷後漢賈逵撰案後漢書逵
本傳云建初元年詔逵入講北宮白虎觀南宮雲臺
帝善逵說使發出左氏傳大義長於二傳者逵於是
具條奏之又其奏云摛出左氏三十事隋志春秋左
氏長經二十卷漢侍中賈逵章句唐志同今佚本傳
載奏一篇章懷太子注引說九節公羊疏亦引二節
以左氏義深君父公羊多任權變卓識不磨唯好用
圖讖明劉氏爲堯後史論讖其附會文致最善貴顯
然左氏之學傳於後世景伯之力也世稱通儒蓋無

愧焉歷城馬國翰竹吾甫

春秋左氏長經章句

後漢 賈逵 撰

逵奏臣謹撓出左氏三十事尤著明者斯皆君臣
之正義父子之紀綱其餘同公羊者什有七八或
文簡小異無害大體至如祭仲紀季伍子胥叔術
之屬左氏義深於君父公羊多任於權變其相殊
絕固以甚遠而冤抑積久莫肯分明臣以永平中
上言左氏與圖讖合者先帝不遺芻蕘省納臣言
寫其傳詒藏之秘書建平中侍中劉歆欲立左氏

不先暴論大義而輕移太常特其義長詆挫諸儒
諸儒內懷不服相與排之孝哀皇帝重逆衆心故
出歆爲河內太守從是攻擊左氏遂爲重讐至光
武皇帝奮獨見之明興立左氏穀梁會二家先師
不曉圖讖故令中道而廢凡所以存先王之道者
要在安上理民也今左氏崇君父卑臣子強幹弱
枝勸善戒惡至明至切至真至順且三代異物損
益隨時故先帝博觀異家各有所採易有施孟復
立梁丘尚書歐陽復有大小夏侯今三傳之異亦

猶是也又五經家皆無以證圖識明劉氏爲堯後
者而左氏獨有明文五經家皆言顓頊代黃帝而
堯不得爲火德左氏以爲少昊代黃帝卽圖識所
謂帝宣也如令堯不得爲火則漢亦不得爲赤其
所發明補益實多陛下通天然之明建大聖之本
改元正歷垂萬世則是以麟鳳百數嘉瑞雜還猶
朝夕恪勤遊情六藝研機綜微靡不審覈若復留
意廢學以廣聖見庶幾無所遺失矣

後漢書
賈逵傳

隱公元年左傳春王周正月

公羊以魯隱公爲受命王黜周爲二王後各不正
則言不順言不順則事不成今隱公人臣而虛稱
以王周天子見在上而黜公侯是非臣名而言順
也如此何以笑子路率爾何以爲忠信何以爲事
上何以誨人何以爲法何以全身公羊傳
徐彥疏
左傳宋人執鄭祭仲曰不立突將死祭仲許之遂出
昭公而立厲公

公羊傳曰祭仲者何鄭之相也何以不名賢也何
賢乎祭仲以爲知權也其知權奈何宋人執之謂

之曰爲我出忽而立矣祭仲不從其言則君必死

國必亡從其言則君可以生易死國可以存易亡

古之有權者祭仲之權是也後漢書賈逵傳若令

臣子得行則閉君臣之道公羊傳疏

左傳紀季以鄩入于齊紀侯大去其國

紀季不能兄弟同心以存國乃背兄歸讐書以譏

之公羊傳曰紀季者何紀侯之弟也何以不名賢

也何賢乎服罪也其服罪奈何請後立廟以存姑

姊妹後漢書賈逵傳注

左傳楚平王將殺伍奢名伍奢子伍尚伍員曰來吾
免而父尚謂員曰問免父之命不可以莫之奔親戚
爲戮不可以莫之報父不可棄名不可廢子胥奔吳
遂以吳師入郢卒復父讐

公羊傳曰父受誅子復讐推刃之道也公羊不許
子胥復讐是不深父也

左傳曰冬邾黑肱以濫來奔賤而書名重地故也君
子曰名之不可不慎以地叛雖賤必書地以名其人
終爲不義不可滅已是以君子動則思禮行則思義

公羊傳冬黑弓以濫來奔又何以無邪斐通濫也
曷爲通濫賢者子孫宜有地賢者孰謂謂叔術也
何賢乎叔術讓國也

左傳曰翼戴天子加之以恭又曰君命天也天可讐
乎委贄策名二乃辟也父教子二何以事君又曰棄
父之命惡用子矣以有無父之國則可

是崇君父卑臣子也

左氏王人雖微序在諸侯之上又曰五大不在邊五
紂不在庭末大必折尾大不掉

是強幹弱枝也

又曰盡而不污懲惡而勸善非聖人其孰能修之
史記曰孔子曰我欲載之空言不如見之行事深
切著明也

春秋晉大夫蔡墨曰陶唐氏既衰其後有劉累學擾
龍事孔甲范氏其後也范會自秦還晉其處者爲劉
氏

明漢承堯後也

左氏傳曰黃帝氏以雲紀少昊氏以鳥紀

是以少昊代黃帝也河圖曰大星如虹下流華渚
女節意感生白帝朱宣

並同上

春秋三傳異同說一卷後漢馬融撰融於易書詩禮
皆有注已各著錄後漢書本傳云嘗欲訓左氏春秋
及見賈逵鄭衆注乃曰賈君精而不博鄭君博而不
精既精既博吾何加焉但著三傳異同說隋唐志皆
不載書佚已久輯二十一節如說二叔爲夏殷之叔
世五典爲五行與賈鄭殊異未必如賈鄭之可從也
歷城馬國翰竹吾甫

春秋三傳異同說

後漢馬融撰

隱公

元年

都城過百雉

雉長三丈

孔穎達正義引賈逵馬融王肅

閔公

二年

吉禘于社公

春秋三傳異同說

逸禮云皆升合於其祖

禮記王制正義引云劉歆賈逵鄭眾馬融皆以爲然

僖公五年

遂登觀臺

明堂在南郊就陽位而宗廟在國外告朔行政謂

之明堂

詩大雅靈臺正義

號仲號叔王季之穆也

號叔同母弟號仲異母弟號仲封下陽號叔封上

陽

正義羅泌路史後紀卷九引云叔同母仲異母

十年

夷吾無禮

申生不自明而死夷吾改葬之章父之過故曰無

禮正義

十有五年

筮短龜長

筮史短龜史長

周禮春官占人賈公彥疏

箕子

紂之諸父

史記宋世家司馬貞索隱引馬融玉肅

二十有四年

昔周公弔二叔之不咸

二叔夏殷之叔世

正義詩小雅常棣正義

管蔡邲霍魯衛毛耶邵雍曹滕畢原鄧邲文之昭也

畢毛文庶子

史記周本紀索隱

二十有五年

晉於是始啓南陽

晉地自朝歌以北至中山爲東陽朝歌以南至軹

爲南陽

酈道元水經注卷九引馬季氏

文公

十有一年

皇父之二子死焉

皇父之二子從父在軍爲敵所殺名不見者方道

二子死故得勝之如令皆死誰殺緣斯

正義

十有八年

秦伯薨卒

穀梁傳曰秦伯偃

公羊傳徐彥疏引三家經同異

宣公

二年

田於首山

首山在蒲坂華山之北河曲之中

後漢書郡國志到昭注

襄公

三年

使鄧廖帥組甲三百被練三千

組甲以組爲甲裏公族所服被練以練爲甲裏卑

者所服

正義文選左太冲吳都賦李善注引云組甲以組爲甲又引云被練爲甲者所服

也魏都賦注引作練爲甲裏謝元暉和伏武昌登

孫權故城詩注引云組甲以組爲甲被練爲甲裏

也徐堅初學記卷二十

二引被練二句無以字

四年

魯於是乎始髻

屈布爲巾高四寸著於頰上

正義

昭公

四年

大雨雹

穀梁作大雨雪

公羊傳疏引三家經同異

七年

余敢忘高圉亞圉

高國亞國周人所報而不立廟禮記王制正義

十有二年

是能讀三墳五典八索九邱

三墳三氣陰陽始生天地人之氣也五典五行也

八索八卦九邱九州之數也正義

祭公謀父作所招之詩以止王心

圻爲王圻千里王者遊戲不過圻內昭明也言千

里之內是明德

至是以獲沒於祗宮

祗宮圻內遊觀之宮也

並同上

定公

三年

有兩肅爽馬子常欲之

肅爽鴈也其羽如練高首而修頸馬似之天下希

有故子常欲之

正義文選左太冲吳都賦又張景陽七命注並引云騊駼烏也馬

似之

解疑論一卷漢戴宏撰宏不詳何人其書史志亦不載何休公羊傳序云恨先師觀聽不決多隨二創此世之餘事斯豈非守文持論敗績失據之過哉徐彥疏謂此先師戴宏等也又謂戴宏作解疑論而難左氏不得左氏之理不能以正義決之又謂執持公羊之文以論左氏卽戴宏解疑論之流矣今其難左之說佚不可見徐疏引其序一則述公羊源流論二則一說孔子感世衰而作春秋一說楚吳異號引緯證經得毋因賈逵之緣隙奮筆而務與戴合乎歷城馬

國翰竹吾甫

解經論

漢戴宏撰

序

子夏傳與公羊高傳與其子平平傳與其子地地
傳與其子敢敢傳與其子壽至漢景帝時壽乃共
子齊人胡母子都著於竹帛與董仲舒皆見於國
者也何休公羊傳序徐彥疏晁公武邵齊讀書志卷三王應麟玉海卷四引載宏序章如愚山堂考索前集卷六引
作戴宏傳序

聖人不空生受命而制作所以生斯民覺後生也西

狩獲麟知天命去周赤帝方起麟爲周亡之異漢興之瑞故孔子曰我欲託諸空言不如載諸行事又聞端門之命有制作之狀乃遣子夏等求周史記得百二十國寶書修爲春秋故孟子云世衰道微邪說暴行有作臣弑其君者有之子弑其父者有之孔子懼作春秋故史記云春秋之中弑君三十六亡國五十二諸侯奔走不得保其社稷者不可勝數故有國者不可以不知春秋爲人臣者不可以不知春秋爲人臣父而不通於春秋之義者必蒙首惡之名爲人臣

子而不通於春秋之義者必陷纂弑之誅以此言之
則孔子見時衰政失恐文武道絕又見麟獲劉氏方
興故順天命以制春秋以授之

公羊傳疏
引解疑論

荆楚一物義能相發吳楊吳訓故不得州名也

公羊
莊十

年疏引
戴氏

春秋文謚例一卷漢何休撰休有冠禮約制已著錄
此書翼公羊解詁而作隋志一卷唐志不載佚已久
徐彥疏引其略茲據錄補晁說之謂何休特貸於公
羊之學五始三科九旨七等六輔二類七缺之設何
其紛紛邪案休公羊傳序云胡毋生條例多得其正
然則何氏之例亦自有所受之也歷城馬國翰竹吾

甫

春秋文誼例

漢 何休 撰

此春秋五始三科九旨七等六輔二類之義以矯枉
撥亂爲受命品道之端正德之紀也

徐彥公
羊傳疏

三科九旨者新周故宋以春秋當新王此一科三旨
也所見異辭所聞異辭所傳聞異辭二科六旨也內
其國而外諸夏內諸夏而外夷狄是三科九旨也

五始者元年春王正月公卽位是也

徐彥疏 王應麟
玉海卷四十

七等

七等者州國氏人名字子是也

六輔

六輔者公輔天子卿輔公大夫輔卿士輔大夫京師
輔君諸夏輔京師

二類

二類者人事與災異是也

並同上

七缺

七缺者惠公妃匹不正隱桓之患生是爲夫之道缺
也文姜淫而害夫爲婦之道缺也大夫無罪而致戮

爲君之道缺也臣而嘗上爲臣之道缺也僖五年晉
侯殺其世子申生襄二十六年宋公殺其世子痤殘
虐枉殺其子是爲父之道缺也文二年楚世子商臣
弑其君髡襄三十年蔡世子般弑其君固是爲子之
道缺也桓八年正月己卯烝桓十四年八月乙亥嘗
僖三十一年夏四月四卜郊不從乃免牲猶三望郊
祀不修周公之禮缺也

徐彥疏不言文證例據晁公武邵齋藏書志七缺與五始

等並屬何休知
疏承上省文

春秋左氏傳解詁四卷後漢服虔撰仍之虔字子慎
初名重又名祗後改爲虔河南滎陽人官至九江太
守後漢書儒林有傳傳稱作春秋左氏傳解行之至
今又以左傳駁何休之所議漢事十六條張瑩漢南
紀云尤明春秋左氏傳爲作訓解劉義慶世說新語
云鄭元欲注春秋傳尙未成時行與服子慎遇宿過
舍先未相識服在外車上與人說已注傳意元聽之
良久多與已同立就車與語曰吾久欲注尙未了聽
君向言多與吾同今當盡以所注與君遂爲服氏注

然則服氏解中有康成手稿服鄭固一家之學也隋書經籍志云賈逵服虔至魏始行於世晉杜預又爲經傳集解服虔杜預注俱立國學而後學惟傳服義至隋杜氏盛行服義寔微今殆無師說隋志載三十一卷唐志釋文並三十卷今佚從王應麟所輯古文春秋左傳所引服說更補缺漏釐爲四卷又考服有春秋左氏膏肓釋病隋志十卷唐志五卷春秋漢議駁隋志藥有二卷唐志十一卷春秋成長說隋志九卷唐志七卷春秋塞難隋志三卷春秋音隱唐志一

卷今並散亡唯於後漢續志注得釋痢一條於正義
得成長說一條附著解詎後孔疏每駁服申杜疏家
體式宜然北史謂江左左傳則杜元凱河洛左傳則
服子慎要其會歸殊方同致此爲持平之論已歷城
馬國翰竹吾甫

春秋左氏傳解詁卷一

漢服虔撰

隱公左氏傳解詁孔穎達正義引服虔所注題云又曰服虔左氏傳三字蓋本傳之題也

惠公元妃孟子卒

嫌與惠公俱卒故重言之下仲子亦然正義

繼室以聲子生隱公

聲子之諡非禮也杜佑通典卷一百

元年春王周正月

孔子作春秋於春每月書王以統三王之正

正義

不書卽位攝也

四公皆實卽位孔子修經乃有不書

正義引舊說賈服之徒

恩深可忍則傳言不稱恩淺可忍則傳言不書

正義

引劉賈類爲傳文生例

三月公及邾儀父盟於茂邾子克也未王命故不書

傳曰儀父貴之也

儀父嘉隱公有至孝謙讓之義而與結好故貴而

字之

正義引賈服

北杏之會時已得王命

同

傳言遷也

所以醢盡其材

同上引服虔

初鄭武公娶于申曰武姜

鄭東鄭古郕國之地

詩鄭譜正義

生莊公及共叔段

共諡

正義引賈服

都城過百雉國之害也先王之制大都不過參國之一中五之一小九之一

雉長三丈百雉五百步大都不過三之一則鄭是伯爵城有千五百步爲五里是公七里侯伯五里

子男三里矣

明禮典命賈公彥引賈服杜君等義

毋使滋蔓

滋益也蔓延也謂使其惡益延長也

釋元應大般涅槃經音義

大叔完聚

聚禾黍也

正義

謂之鄭志

上本欲養成其惡而加誅使不得生書此鄭伯之

志意也

正義

不及黃泉無相見也

天元地黃泉在地中故曰黃泉

史記鄭世家集解文選釋

伯挽歌詩李

注又揚子雲劇秦美新文注

首注

公入而賦大隧之中其樂也融融姜出而賦大隧之

外其樂也洩洩

入言公出言姜明似出入互相見

正義

秋七月天王使宰咺來歸惠公之賵

賵覆也天王所以覆被臣子

同上

同軌畢至

軌車轍也

正義引鄭元服虔

惠公之薨也有宋師

宋師即黃之師也是時宋來伐隱公自與戰正

三年

潢汙行潦之水

畜小水謂之潢水不流謂之汙行潦道路之水是

也

正義文選班孟堅答賓戲注引云水不洩謂之汙

衛莊公娶于齊東宮得臣之妹曰莊姜

得臣齊大子名居東宮

詩衛風碩人正義

驕奢淫佚所自邪也四者之來寵祿過也

言此四者過從邪起正義

四年

文衛州吁立將修先君之怨於鄭

先君為莊公

正義

隱公二年鄭人伐衛是也

詩鄭風擊鼓正義

義引賦仕

君若伐鄭以除君害君為主倣邑以賦與陳蔡從

公子馮將為君害言以賦與賦兵也以田賦出兵

故謂之賦

故宋公陳侯蔡人衛人伐鄭

衛使宋爲主使大夫將故叙衛于陳蔡下並同

衛人使右宰醜蒞殺州吁于濮

右宰醜衛大夫濮陳地史記衛世家集解

五年

昭文章

大司馬職曰中秋教治兵辨旗物之用王載大常

諸侯載旂軍吏載旗師都載旛鄉遂載物郊遂載

旛百官載旗遂以獬廌正義云服虔解此亦引司馬職文

鳥獸之肉不登於俎皮革齒牙骨角毛羽不登於器

上登爲升下登爲成義

九月考仲子之宮將萬焉

宮廟初成祭之名爲考將納仲子之主故考成以
致其五祀之神以堅之

天子川八諸侯用六大夫四士二

川六六八四十八大夫四爲四八三十二士二爲

二八十六

正義 宋書樂志通典卷一百四十七
並引云天子八八諸侯六八大夫四八

士二
八

夫舞所以節八音而行八風

八卦之風乾音石其風不周坎音革其風廣莫艮
音匏其風融震音竹其風明庶巽音木其風清明
離音絲其風景坤音土其風涼兌音金其風闓闓

正義

六年

春鄭人來渝平更成也

公爲鄭所獲釋而不結平於是更爲約束以結之

故曰渝平

正義

秋宋人取長葛

長葛不繫鄧者刺不能撫有其邑

正義引賈服

七年

戎朝于周發幣于公卿凡伯弗賓

戎以朝禮及公卿大夫發陳其幣凡伯以諸侯爲

王卿士不修賓主之禮敬報于戎是以冬天王使

凡伯來聘還戎伐之於楚邱以歸

儀禮觀禮賈公彥疏

敵如忘

如而也臨敵而忘其盟載之辭言不精也

正義

八年

先配而後祖

大夫以上無問舅姑在否皆三月見祖廟之後乃

始成昏故譏鄭公子忽先爲之配匹乃見祖廟季

友子如齊致女三月始成昏

禮記曾子問正義引賈逵服虔

諸侯以字爲諡因以爲族

公之母弟則以長幼爲氏貴適統伯仲叔季是也

庶公子則以配字爲尊公族展氏臧氏是也

正義

官有世功則有官族邑亦如之

問異姓宋司城韓魏

同

九年

先者見獲必務進進而遇獲必速奔

先者見獲言必不往相救各自務進言其貪利也

正義

十有一年

春滕侯薛侯來朝爭長

爭長先登授書

儀禮親禮疏

周之宗盟

宗盟同宗之盟

正義

類考叔挾冊以走

考叔挾車轅塗馬而走

同上

使營菴裘吾將老焉

菴裘魯地也營菴裘以作宮室欲居之以終老也

史記魯世

家集解

館於寯氏

館舍也寯氏魯大夫

同上

桓公左氏傳解詁

元年

宋華父督見孔父之妻於路目逆而送之曰美而豐
華父督戴公之孫目者極視睛不轉也史記宋微
子世家集
解

二年

會於稷以成宋亂

成宋亂成就宋亂

正義引鄭
衆服虔

宋殤公立十年十一戰

與夷隱四年卽位一戰伐鄭圍其東門再戰取其
禾皆在隱四年三戰取邾田四戰邾鄭入其郛五

戰伐鄭圖長葛皆在隱五年六戰鄭伯以王命伐
宋在隱九年七戰公敗宋師于菅八戰宋衛入鄭
九戰宋人蔡人衛人伐戴十戰戊寅鄭伯入宋皆
在隱十年十一戰鄭伯以戴師大敗宋師在隱十

一年

正義

大路越

大路木路

同上

大路總名也如今駕駟高車矣尊卑

俱乘之其朱飾有差

後漢書輿服志劉昭注

越席結括草以

爲席

史記魯世家解

繫鞶游纓

藻書鞶 鞶制巾禮有制巾

正義鞶紳帶也一名大帶

厲大帶之垂者

正義云賈服等說鞶厲皆與杜同禮記內則正義引服氏云鞶大帶

又詩小雅都人士正義引彼服氏以鞶為之大帶也纓如索帶今乘輿大駕

有之

正義

錫鞶和鈴

鞶在鉤和在衡

史記禮書集解

三辰旂旗

三辰日月星也謂之辰者辰時也日以照晝月以

照夜星則運於天民得取其時節故謂之辰也詩大

雅大明正義儀禮觀禮疏引首句云三辰謂日月星

武王克商遷九鼎於雒邑

今河南有鼎中觀尚書洛誥正義

蔡侯鄭伯會於鄧始懼楚也

鄧曼姓也史記楚世家集解言蔡鄭會于鄧之國都正義云賈

服以鄧爲國云云

士有隸子弟

士卑自以其子弟爲僕隸祿不足以及宗是共有

隸子弟也

錢駘既夕禮
賈公彥疏

三年

春曲沃武公伐翼次於陘庭韓萬御戎

韓萬晉大夫曲沃桓叔之子莊伯之弟晉爲大夫

以韓爲氏也

詩大雅韓
奕正義

五年

蔡人衛人陳人從王伐鄭

言人者時陳亂無君則三國皆大夫也故稱人

詩衛

風伯兮

正義

秋大雩書不時也凡祀啓蟄而郊龍見而雩

大雩夏祭天名雩之言遠也遠為百穀祈膏雨也

禮記月令正義楊士勛穀梁傳疏後漢書禮儀志注引多首句正義云賈服以雩為遠龍見

而雩龍角亢也謂四月昏龍星體見萬物始盛待

雨而大故雩祭以求雨也一說大雩者祭於帝而

祈雨也一說郊祀天祈農事祭山川而祈雨也後漢

書禮儀志到昭注魯祭天以孟月祭宗廟以仲月禮記王制正義

始殺而嘗

始殺孟秋正義引賈服

冬淳于公如曹度其國危遂不復

春秋前以黜陟之法進爵為公

正義

六年

春自曹來朝書曰實來

詩大雅韓奕正義云春秋桓六年州公實來而左傳作實

來錢氏大昕云孔氏所據乃服虔本

公曰吾牲牷肥腍

牛羊曰肥豕曰順

正義

嘉栗旨酒

穀之初熟為栗

詩大雅生民正義引賈服

九月丁卯子同生以太子生之禮舉之接以太牢

桓太子莊公同接者子初生接見於父 太平御覽卷一百四

六十

以德命為義

謂若大王度德命文王曰昌文王命武王曰發 正義

不以畜牲

六畜謂馬牛羊豕犬雞 正義引鄭眾服虔

不以器幣

俎豆爵彝犧象之屬 正義

宋以武公廢司空

武公名司空廢爲司城

禮記檀弓下正義引服虔杜預

七年

穀伯鄧侯來朝名賤之也

穀鄧密邇於楚不親仁善鄧以自固卒爲楚所滅

無同好之救又有殺賢兄之惡故賤而名之

正義

九年

曹太子來朝

曹太子桓公子莊公射姑

太平御覽卷一百四十六

賓之以上卿之禮

曹伯有故使其太子攝而朝曲禮曰諸侯之嫡子攝其君來誓於天子則皮帛繼子男諸侯之上卿禮也上卿出入三稍食三牢牽一享一食宴之也初獻樂奏而歎

初獻酒如獻爵樂奏人上堂也初獻爵樂奏太子歎而哀樂也

施父曰

施父魯大夫並同

曹大子其有憂乎非歎所也

古之爲享食所以觀威儀省福禍無喪而成發必
讐焉今曹大子臨樂而歎是父將死而兆先見也

正義

十年

故虞公出奔共池

共池閭

僖六年正義

十有一年

春齊衛鄭宋盟于惡曹

不書宋宋後

正義

君多內寵

言庶子有寵者多

史記鄭世家集解

雍氏宗有寵於宋莊公

爲宋正卿故曰有寵

同上

十有三年

不書所戰後也

不日者公至而後定戰日地之與日當同時設期

公既不及期地安得及期日也

正義

夫固謂君訓衆而好鎮撫之

夫謂國伯比也

襄二十三年正義

十有四年

乙亥嘗

魯以壬申被災至乙亥而嘗不以災害爲恐

正義

十有五年

鄭伯因櫟人殺檀伯而遂居櫟

檀伯鄭守櫟大夫櫟鄭之大都

廊道元水經注卷二十二 史記周

本紀集解引
係大都句

十有六年

衛宣公烝於夷姜

上淫曰烝

詩齊風雄狐正義

宣姜與公子朔構急子

構會其過惡

詩邶風二子乘舟正義

公使盜待諸莘將殺之

莘衛東地

同上

十有七年

夏五月

若登臺而不視朔則書時不書月若視朔而不登

臺則書月不書時若雖無事視朔登臺則定書時

月

禮記中庸正義引賈服

天子有日官諸侯有日御日官居卿以底日

日官日御典歷數者也是居卿者使卿居其官以

主之重歷數也

周禮春官太史疏

十有八年

公會齊侯於濼遂及文姜如齊齊侯通焉

傳淫曰通

詩齊風雄雉正義

凡淫曰通

同上

夏四月丙子享公

爲公設享讌之禮

史記魯世家集解

秋齊侯師於首止

首止近鄭之地

史記鄭世家集解

祭仲逆鄭子于陳而立之

鄭子昭公弟子儀也

詩鄭風出其東門正義

莊公左氏傳解詁

元年

三月夫人孫於齊

桓公之薨至是年三月葬而小祥公憂思少殺念
及於母以其罪重不可以反之故喪孫于齊耳其
實先在於齊水未歸也詩齊風南山正義引何休賈逵服虔蓋魯桓
之喪從齊來同上引服云

文姜出故也

文姜通於兄齊襄與殺公而不反父殺母出隱州

深諱

魏書賈逵傳

不稱姜氏絕不爲親禮也

夫人有與殺桓之罪絕不爲親得尊父之義善莊

公思大義絕有罪故曰禮也

同上

八年

瓜時而往曰及瓜而代

瓜時七月及瓜謂後年瓜時

史記齊世家集解

連稱有從妹在公宮

爲妾在宮也

見大豕從者曰公子彭生也

公見嬖從者乃見彭生鬼改形爲豕也

並同上

豕人立而啼

啼呼也

文選左太冲蜀都賦注引服子慎

九年

齊小白入于齊

齊大夫來迎子糾公不爾遣而盟以要之齊人歸

迎小白謂迎小白者疑是盟薳大夫

正義引賈服

十年

蒙犂比而先犯之

樂記云倒載干戈包之以虎皮名之曰建薳犂字

或作建犂

正義云服虔引

十有一年

覆而敗之曰取某師

覆隱也設伏而敗之謂攻其無備出其不意敵人

不知敗之易故曰取

正義

宋公斡之

恥而惡之曰斡

正義陸德明釋文

十有二年

羣公子奔蕭公子御說奔毫

蕭毫宋邑也

史記宋世家集解

亦請南宮長萬於陳以賂陳人使婦人飲之酒而星
革裏之

宋萬多力勇不可執故先使婦人誘而飲之酒醒
而縛之

宋人醢之

醢肉醬

並同上

十有四年

丙蛇與外蛇鬪於鄭南門中丙蛇死六年而厲公入

蛇北方水物水成數六故六年而厲公入

正義

十有六年

不可使共叔無後於鄭使以十月入

定叔之祖共叔段有伐君之罪宜世不長而云不

可使共叔无後於鄭言其刑之偏頗鄭厲公以孽

子篡適同惡相恤故繫於共叔欲令其後不絕傳

所以惡厲公也正義

十有八年

夏公追戎於濟西不言其來諱之也

桓公為好莊公獨不能修而見侵濟西曹地
禮

小司
徒疏

秋有蜚爲災也

蜚短狐南方盛暑所生其狀如鼯古無今有含沙
射人入皮肉中其瘡如疥徧身中澼澼蜚蜚故爲

災禮曰惑君則有周禮秋官蠲氏疏正義
引徧身二句作或或

二十年

燕仲父

南燕伯爵正義

二十有一年

鄭伯享王於闕西辟

西辟西徧也常謂兩觀之內道之西也

正義

鄭伯之享王也王以后之盤鑑予之虢公請器王予之爵鄭伯由是始惡於王

盤鑑王后婦人之物非所以賜有功爵飲酒器王

爵也一升曰爵爵人之所貴言鄭伯以其父得賜

不如虢公爲是始惡於王積而成怨

正義

二十有二年

翹翹車乘

翹翹遠貌

詩周南漢廣正義

辭曰臣卜其晝未卜其夜

臣將享君必卜之示戒慎也

正義詩小雅湛露正義

五世其昌並於正卿

言完後五世與卿並列

史記陳世家集解

遇觀之否

坤下巽上觀坤下乾上否觀爻在六四變而之否

同上引賈逵正義云賈服並皆用焉

風行而著於土其在異國乎

巽在坤上故爲著土也一日巽爲風復爲木風吹木實落去更生他土而長育是爲在異國正義

二十有八年

大無麥禾

陰陽不和土氣不養故禾麥不成也傳言饑而經不書者得齊之糴救民之急不至於饑也傳言饑者指米糴之前說言糴之意故言饑也正義

臧孫辰告糴於齊

不言如重穀餘辭以其情急於糴故不言如齊告

羅乞師則情綏於穀故云如楚乞師正義

三十年

闕射師諫則執而措之

射師若敖子圖班也

正義

冬遇於魯濟謀山戎也以共病燕故也

山戎北狄蓋今鮮卑也

史記齊世家集解

三十有二年

故有得神以興亦有以亡虞夏商周皆有之

虞舜祖考來格鳳皇來儀百獸率舞

正義

初公築臺臨黨氏見孟任

黨氏魯大夫任姓

史記魯世家集解

從之閼

從之言欲與通也

正義

割臂盟公

割其臂以與公盟

史記魯世家集解

國人犇自牆外與之戲

國人掌養馬者犇其名也

同上

能投蓋于稷門

能投千鈞之重過門之上也

水經注卷二十五

使鉞季酖之

鳩鳥一日運日鳥

史記魯世家集解

成季奔陳

季友內知慶父之情力不能誅故避其難出奔

同上

立閔公

閔公於是年九歲

正義閔二年正義引服虔莊三十二年注